



Inatsisartunut ilaasortanut
Jørgen Rosbach
Demokraatit

25-09-2025
Suliap normua
2025 - 18546
All. il.
25746588

Postboks 260
3900 Nuuk
Oqa. (+299) 34 50 00
Nass. (+299) 34 66 66
E-mail: ian@nanoq.gl
www.naalakkersuisut.gl

Meeqqat angerlarsimaffiat namminersortoq pillugit § 37 nr. 161 naapertorlugu apeqqummut akissut

Asasara Jørgen Rosbach.

Apeqqutinnut qujanaq. Apeqqutit tullinnguuttut ataasiakkaarlugit assilineqarsimapput, akissutiniq tullegarlutik.

1. Qanoq ilillutik Naalakkersuisut qulakkeertarpaat, kommunit privatimik meeqqat angerlarsimaffiit akiliutaat allamut pinnatik ingerlatsinermut meeqqallu pisariaqartitaanuinaq tutternersut?

Akigititanik aalajangersaaneq aallarniutitut akuersissummik ingerlatsineq aqqutigalugu ingerlanneqartarpoq, tassani qulakkeerneqarluni ulloq unnuarlu paaqqinnittarfinnut imminut pigisunut akigititaasut ingerlatsinermut aningaasartuutivinnut naapertuutissasut. § 49-mi, imm. 2-mi Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaannut tunngatillugu ulloq unnuarlu paaqqinniffiup ingerlanneqarneranut aningaasartuutit akigititaq naapertorlugu akiliutinik akilerneqartassapput. Taamatullu ukiumoortumik akigititanik aalajangersaanissaq pillugu ulloq unnuarlu paaqqinnittarfinnik imminut pigisunik kommunalbestyrelsi ukiumut ataasiarluni isumaqatigiissuteqartussaataavoq.

Aningaasaqarnikkut ingerlatsinermik qulakkeerininnissamut piginnaatitaaffeqartuusoq tassaavoq Isumaginninnermut Naalakkersuisoqarfiup ataani inissisimasumiittoq Nakkutilliisoqarfik.

2. Nakkutilliinnermut misissuinernullu suut tigussaasut Naalakkersuisut atulersimavaat, pisortat aningaasaataasa privatimik inuulluarniutinut (soorlu assersuutigalugu biilinut, umiatsianut angalanernullu), atorneqannginnissaannut?

§ 38, imm. 2 Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat malillugu ulloq unnuarlu paaqqinniffik imminut pigisoq ukiumoortumik missingersuutinik ukiullu siuliini naatsorsuutinik nassiussisarnissaanut atatillugu Isumaginninnermi Aqutsisoqarfik nakkutiginnittusaarpoq. Tamatuma saniatigut § 26 Isumaginninnermut suliassaqarfimmik nakkutiginninneq pillugu Namminersorlutik Oqartussat nalunaarutaat naapertorlugu Nakkutilliisutut oqartussat ingerlatsinikkut nakkutilliinnermi akisussaasuupput.



3. Qanoq ilillutik Naalakkersuisut qulakkeerniarpaat, meeqqat ulloq unnuarlu inissiisarfinni assigiinngitsuneersut tunngaveqanngitsumik immikkoortitaanermik misisinnginnissaat, soorlu assersuutigalugu mobiltelefooneqarnikkut, atisatigut sunngiffimmilu susassaqartitaanikkut?

Isumaginninnermut akigitat kaasarfimmussat annertussusaannik aalajangersaasuupput, taakku meeqqanut inuusuttunullu inissinneqarsimasunut tunniunneqartarput. Akuersissuteqarnissamut tunngavissaq malillugu meeqqat inuusuttullu naligiimmik pineqarnissaannut paaqqinnittarfiit qulakkeerinnissapput.

Ulloq unnuarlu paaqqinnittarfiit ataasiakkaat pisussaaffigaat suleriesitit periusitillu atorlugit meeqqanik inuusuttunillu naligiimmik pineqarnerminnik ilumoortumik misigitinnissaat.

Matumanik nakkutilliinissamik akisussaaffik kommunalbestyrelsen inummut sammititamik nakkutilliineraniippoq kiisalu nakkutilliisut ingerlatsivimmi, ingerlatsiviit taakkua meeqqat inuusuttullu ataasiakkaat assigiinngitsumik pineqarsinnaanerannik qulaajaanissaminnik sukumiinerusumik tunngavilersuisinnaanerullutik

Naalakkersuisut meeqqap imaluunniit inuusuttut namminerisaminnik attaveqarfigisartagaannut attuumassuteqartunut malittarisassiorneq ajorput, ilaatigut meeqqamut inuusuttumulluunniit tunissutit imaluunniit tapiissutit paaqqinnittarfiup avataaniit pissarsiarisimasat pineqartillugit.

4. Privatinik ingerlanneqartuni meeqqat angerlarsimaffianni suliamut piginnaasassat suut piumasaqaatineqartarpat sulisuusunut?

Akissut: § 33 Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat naapertorlugu ulloq unnuarlu paaqqinnittarfiit imminnut pigisut akuersissuteqarnissamut tunngavissani sulianut tunngasutigut piginnaasat allaaserissavaat. Isumaginninnermut Aqutsisoqarfiup sulianik immikkut ilisimasallit sulisut naammattumik periarfissaqarnissaat qulakkiissavaat.

a) Qanoq nakkutigineqartarpat, piumasaqaatit taakku malinneqarnersut?

Akissut: § 26 Isumaginninnermut suliassaqaarfimmik nakkutiginninneq pillugu Namminersorlutik Oqartussat nalunaarutaat malillugu meeqqanut ulloq unnuarlu paaqqinniffinnik Nakkutilliinermik Ingerlatsivik ingerlatsinikkut nakkutilliisuussapput. Taamatullu Nakkutilliinermik ingerlatsiviup piumasaqaatit malinnissaat akisussaaffigaat.

5. Naalakkersuisut isumaliuutiginerpaat ersarinnerusunik malittarisassiornissaq naatsorsuutinik saqummiinissamut aammalu aningaasatigut nakkutiginninnissamut privatinik ingerlanneqartunit meeqqanut angerlarsimaffinnik, tassani kaaviiartitat tamanut saqummiunneqartarneri, innuttaasut tatiginiassammassuk, aningaasat eqqortumik aquneqarnersut?

Akissut: Aap. Isumaginninnermut Aqutsisoqarfik erseqqissaasinnaavoq meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarusiaanni ukiumoortumik naatsorsuutit ukiullu tullianut missingersuutit ulloq unnuarlu paaqqinnittarfimmit imminnut pigisunit nassiunneqartunut atatillugu aningaasatigut nakkutilliinissamik periarfissaqartoq.

Ukiuumut naatsorsuutit pillugit inatsit naapertorlugu ulloq unnuarlu paaqqinniffiit ukiumoortumik naatsorsuusiortassapput. § 38, imm. 2 Meeqqanut ulloq unnuarlu paaqqinniffinnik pilersitsineq ingerlatsinerlu



pillugit Namminersorlutik Oqartussat nalunaarutaat naapertorlugu ulloq unnuarlu paaqqinniffiit imminut pigisut tamarmik kingusinnerpaamik ulloq 1. juni kommunalbestyrelsimut inissiisimasumut Isumaginninnermullu Aqutsisoqarfimmut ukiumoortumik naatsorsuutininik nassiussisassapput.

Taamaattoarli ulloq unnuarlu paaqqinniffiit akuerisaasut tamarmik ingerlanneqarneri aningaasatigullu nakkutigineqarneri nakkutilliinermik ingerlatsivimmit akisussaaffigineqassapput.

6. Naalakkersuisut oqaluuserisamut soqutiginaatilinnik allanik paasissutissiisinnaanerlutik?

Akissut: Naalakkersuisut paasissutissiissutigisinnaavaat ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni allannguissamut suut periarfissaanersut piffissami matumani misissuisoqartoq. Tamatumunnga meeqqap pisariaqartitai aallaavigalugit pisortat aningaasaliissutaat atorneqarnissaata qulakkeerneqarnissaa siunertaavoq aammalu ulloq unnuarlu paaqqinnittarfinnut imminut pigisunut akigititanik annertunerpaanik aalajangersaasoqarnissaa kiisalu siunissami pingaarnertut umiatsianik illuaqqanillu nakkutilliisoqartalernissaa tamatumani siunertarineqarpoq.

Inussiarnersumik inuulluaqqusillunga

Mads Pedersen